



UPRAVA POLICIJE

Broj: 05-04/06-11-1225/23/RS

Datum: 13.11.2023. godine

Na osnovu člana 70. stav (1), stav (4) i stav (6) Zakona o javnim nabavkama BiH („Službeni glasnik BiH“, broj: 39/14 i 59/22), Preporuke Komisije za javne nabavke Uprave policije MUP USK-a broj: 05-04/01-1-11-1225/23 od 09.11.2023. godine, te na osnovu člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK-a“, broj: 13/16 i 16/17) u otvorenom postupku javne nabavke roba – novih putničkih motornih vozila, načelnik Sektora kriminalističke policije Uprave policije MUP USK-a **d o n o s i**:

ODLUKU
o poništenju postupka javne nabavke

Član 1.

Poništava se otvoreni postupak javne nabavke roba – novih putničkih motornih vozila za potrebe Uprave policije MUP USK-a.

Član 2.

Ova odluka će biti objavljena na web stranici Ugovornog organa: mupusk@mupusk.gov.ba, te istovremeno dostavljena ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

O b r a z l o ž e n j e

Postupak javne nabavke roba – novih putničkih motornih vozila pokrenut je posebnom odlukom o pokretanju postupka javne nabavke broj: 05-04/06-11-1225/23/RS od 18.10.2023. godine. Javna nabavka je provedena primjenom otvorenog postupka.

Procijenjena vrijednost javne nabavke bez PDV-a iznosi 164.000,00 KM (slovima: stotinušezdesetčetirihiljade i 00/100 KM).

Obavještenje o nabavci broj: 20936-1-1-51-3-63/23 zajedno sa tenderskom dokumentacijom objavljeno je na portalu “E-nabavke” dana 19.10.2023. godine. Krajnji rok za prijem ponuda je bio 09.11.2023. godine do 09:00 sati.

Otvaranje i ocjenu ponuda provela je Komisija za javne nabavke Uprave policije MUP USK-a, imenovana Rješenjem broj: 05-04/04-2-11-585/23 od 06.06.2023. godine. Sastav i djelokrug rada Komisije utvrđen je Rješenjem.

Do krajnjeg roka za prijem ponuda na protokol ugovornog organa zaprimljena je jedna ponuda, ponuđača „Una auto“ d.o.o. Bihać.

Uvidom u dostavljenu dokumentaciju Komisija za javne nabavke je konstatovala da ponuda ponuđača „UNA AUTO“ d.o.o. Bihać **ne zadovoljava** kriterije koji su utvrđeni u tenderskoj dokumentaciji, odnosno ne ispunjava zahtjeve ugovornog organa.

Naime, ponuđač je u svojoj ponudi u Obrascu za ponudu, Aneks 2, na strani 18. ponude upisao datum 03.02.2024. godine kao datum do kad važi njegova ponuda.

U tački 5. Aneksa 2 ponuđači su bili dužni da upišu datum do kad važi njihova ponuda, a prema uvjetima iz Tenderske dokumentacije ponude moraju važiti 90 dana računajući od isteka roka za podnošenje ponuda. Tačkom 6.2.1. Tenderske dokumentacije propisano je koliko ponude moraju važiti, a tačkom 6.2.2. Tenderske dokumentacije određeno je da ukoliko ponuđač u svojoj ponudi ne navede period važenja ponude, onda se smatra da je to onaj period koji je naveden u tenderskoj dokumentaciji, te je navedeno da će **ugovorni organ odbaciti ponudu u slučaju da je period važenja ponude kraći od perioda navedenog u tenderskoj dokumentaciji.**

Rok za podnošenje ponuda prema Tenderskoj dokumentaciji je 09.11.2023. godine do 09.00 sati, pa kada se od datuma određenog za predaju ponuda, (09.11.2023. godine), računa rok od 90 dana dolazimo do datuma 07.02.2024. godine.

Kako je ponuđač u svojoj ponudi naveo da je rok važenja njegove ponude 03.02.2024. godine utvrđeno je da je ponuđač kao rok važenja njegove ponude odredio kraći rok od onog koji je propisan Tenderskom dokumentacijom, u kojem slučaju ugovorni organ takvu ponudu odbacuje.

Također, u članu 60. Zakona o javnim nabavkama BiH („Službeni glasnik BiH“, br. 39/14 i 59/22), je između ostalog propisano da period važenja ne može biti kraći od roka navedenog u tenderskoj dokumentaciji.

Komisija za nabavke je cijnila i izjavu ponuđača dostavljenu na strani 43. Ponude, (Izjava o periodu važenja ponude), međutim ista nije prihvaćena iz razloga što u ovoj izjavi nije naveden datum izjave, postupak javne nabavke za koji se izjava daje, niti se iz iste može utvrditi početak roka od 90 dana. Također, iz Tenderske dokumentacije se utvrđuje da istom nije taženo dostavljanje posebne izjave o roku važenja ponude.

Komisija također konstatuje da ovaj ponuđač u Aneksu 3, Obrazac za cijenu ponude, u koloni 3-ponuđena marka i tip vozila, nije upisao marku i tip vozila. Prema uvjetima iz Tenderske dokumentacije, ponuđač je bio dužan popuniti sve stavke Aneksa 3.

Tačkom 5.5.2. Tenderske dokumentacije propisano je da će ugovorni organ odbaciti ponudu ponuđača u slučaju da ponuđač propusti popuniti Obrazac za cijenu ponude u skladu sa postavljenim zahtjevima, za sve stavke koje su navedene.

Shodno navedenom, a u skladu sa članom 68. stav (4) tačka i) i članom 69. stav (2) tačka d) Zakona o javnim nabavkama BiH („Službeni glasnik BiH“, br. 39/14 i 59/22), ugovorni organ konstatuje da ponuda ponuđača „Una auto“ d.o.o. Bihać nije sačinjena prema zahtjevima iz Tenderske dokumentacije, te je odlučeno kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana prijema odluke.

Žalba se izjavljuje Uredu za razmatranje žalbi BiH putem Ugovornog organa u pisanoj formi, direktno ili elektronskim putem (e-mailom) ili preporučenom poštanskom pošiljkom na adresu Ugovornog organa.

Dostavljeno:

1. Ponuđaču: „UNA AUTO“ d.o.o. Bihać, putem e-maila: unaauto@unaauto.ba
2. Komisija za javne nabavke Uprave policije MUP USK-a
3. Sektor za mat.-fin. poslove i IKT – za objavu
4. a/a



NAČELNIK SEKTORA
KREMLINALISTIČKE POLICIJE
samostalni inspektor

Jusuf Mešić